

DÉZIÈM PATI

Sélébrasion mistè krétyin-an

DÉZIÈM SÉKSION

Sèt sakréman l'Égliz-la

PRÉMIÉ CHAPIT

Sakréman inisiasion krétyin-yo

ATIK 2

Sakréman Konfirmasion-an

1285 Avèk Batèm-nan épi Ékaristi-a, sakréman Konfirmasion-an fòmé ansanm « sakréman inisiasion krétyin-yo », sa yo doué protéjé kinbé fè youn-nan. Sé poutèt sa yo doué ékspliké fidèl-yo kijan li nésèsè pou yo résévoua sakréman sa-a pou akonplisman lagras batèm-nan (cf. OCf prænnotanda 1). Réyèlman vré, moun ki batizé yo « ak sakréman Konfirmasion-an yo vîn fè youn pi byin toujou ak l'Égliz-la antan li anrichi yo ak fòs spésial Éspri-Sin-an, konsa yo vîn gin obligasion pi strikt toujou pou yo gayé lafoua-a épi défann li an minm tan nan paròl yo ak aksion yo tankou vrè témouin Kris-la » (LG 11 ; cf. OCf prænnotanda 2).

I. Konfirmasion-an nan Dispozision pou sové nou-an (Économie du salut)

1286 Nan *Ansyin Téstaman-an*, Profèt-yo té anoncé Éspri Granmèt-la t-ap
702-716 répozé sou Mési-a yo t-ap tann-nan (cf. Is 11, 2) poutèt mision-l té ginyin pou sové nou-an (cf. Lc 4, 16-22 ; Is 61, 1). Lè Éspri-Sin-an désann sou Jézu, antan Jan t-ap batizé-l la, sé té yon sign sé li-minm ki té gin pou vini-an, sé li-minm ki Mési-a, Pitit Bondié-a (cf. Mt 3, 13-17 ; Jn 1, 33-34). Jézu té vîn fèt nan vant pa pouvoua Éspri-Sin-an ; tout lavi-l ak tout

mision-l té fèt nan yon kominion total ak Éspri-Sin-an, sa Papa-a pa ba li « avèk mézi »-a (Jn 3, 34).

1287 Min, plénitud Éspri sa-a pa-t doué rété sèlman pou Mési-a, yo té doué
739 kominiké-l bay *tout pèp mèsianik-la* (cf. Ez 36, 25-27 ; Jl 3, 1-2). Pliziè fous Kris-la té promèt Éspri-a gin pou-l vidé (cf. Lc 12, 12 ; Jn 3, 5-8 ; 7, 37-39 ; 16, 7-15 ; Ac 1, 8), épi li réalizé promès sa-a jou Pak-la toudabò (Jn 20, 22) épi apré, yon fason ki gin plis ékla, jou Pantkot-la (cf. Ac 2, 1-4). Antan yo ranpli ak Éspri-Sin-an, Apot-yo kòmansé proklamé « mèvèy Bondié-yo » (Ac 2, 11) épi Piè déklaré Éspri-a ki vidé-a sé sign tan mèsianik-yo li yé (cf. Ac 2, 17-18). Lè sa-a moun ki té koué nan prèch apostolik-la épi ki té fè yo batizé-yo, yo minm tou yo té résévoua kado Éspri-Sin-an (cf. Ac 2, 38).

1288 « Apati tan sa-a, Apot-yo, antan y-ap fè volonté Kris-la, kado Éspri-a,
699 sa ki konplété gras Batèm-nan, yo té bay nouvo batizé-yo li ak inpozision min-yo (cf. Ac 8, 15-17 ; 19, 5-6). Sitèlman nan Lèt pou Ébré-yo, nan pami premié éléman fòmasyon krétyin-an, yo mété ansègnman sou batèm-yo ak inpozision min-yo tou (cf. He 6, 2). Nan inpozision min sa-a apati tradision katolik-la yo gin rézon rékonèt kòmansman sakréman Konfirmasyon-an ki fè gras Pantkot-la kontinué rété yon sètèn fason nan Égliz-la » (Paul VI, const. ap. "Divinæ consortium naturæ").

1289 Byin bonè, pou yo té signifié pi byin kado Éspri-Sin-an, yo té ajouté
695 onksion ak luil bon lodè-a (sin-krèm) sou inpozision min-yo. Onksion sa-a éklèsi non « krétyin-an » ki vlé di « ki résévoua onksion-an » épi ki pran orijîn-li nan Kris-la li-minm : « Bondié té sakré-l ak Éspri-Sin-an » (Ac 10, 38). Rit onksion-an égzisté jous nan jou nou-yo ni an Orian ni an Oksidan. Sé poutèt sa, yo rélé sakréman sa-a *Krismasyon* an Orian oubyin onksion sin-krèm-nan, oubyin *myron* ki vlé di « sin-krèm ». An Oksidan, non *Konfirmasyon*-an indiké sakréman sa-a konfirmé épi fòtifé lagras Batèm-nan.

Dé tradision : Oriental épi Oksidental

1290 Nan premié sièk-yo, Konfirmasyon té yon sèl sélébrasyon an jénéral ak
Batèm-nan, antan-l fòmé yon « doub sakréman » avèk li dapré ékspresion sin Sipriyin-an (Epistula 73, 21 : PL 3, 1169). Pami dèt motif, multiplikasyon Batèm ti bébé-yo, épi sa té fèt nan nimpòt tan nan ané-a, épi multiplikasyon parouas (ala kanpagn), agrandisman diosèz-yo, pa-t pèmèt pou Évèk-la té kontinué prézan nan tout sélébrasyon batèm-yo. An Oksidan, poutèt yo té chouazi rézèvè pèfeksionman Batèm-nan pou Évèk-la, yo vîn établi séparasyon dé sakréman yo nan tan-an. An Orian yo té konsèvé dé sakréman-yo ansanm, ki fè sé prèt k-ap batizé-a ki té bay Konfirmasyon-an. Min li pa-t kapab fè sa san-l pa-t anplouayé *myron* Évèk-la té konsakré-a (cf. CCEO, can. 695, 1 ; 696, 1).

1291 Yon abitud l'Égliz Ròm-nan té fasilité dévlopman pratik oksidantal-la,
 1242 poutèt doub onksion ak sin-krèm-nan apré Batèm-nan : sa prèt-la déjà fè sou nouvo krétyin-an (néofit-la), lè-l soti nan bingn Batèm-nan, ki vîn konplété ak yon dézièm onksion Évèk-la fè sou fron chak nouvo batizé-yo (cf. S. Hippolyte, trad. ap. 21). Prèmié onksion ak sin-krèm-nan, sa prèt-la fè-a, té rété kolé ak rit Batèm-nan ; li vlé di patisipasion batizé-a nan fonksion profétik, sasèrdotal épi rouyal Kris-la. Si sé yon adult y-ap bay Batèm-nan, sé yon sèl onksion ki ginyin apré Batèm-nan : onksion Konfirmasion-an.

1292 Pratik Égliz Oriental-yo souligné pi plis fason inisiasion krétyin-an fè
 1244 youn. Pratik Égliz latîn-nan éksprimé pi klèman kominion nouvo krétyin-an avèk Évèk-la, ki garan épi sèvitè pou unité Égliz li-a, pou karaktè katolik li-a épi karaktè apostolik li-a, épi konsa konéksion avèk orijîn apostolik l'Égliz Kris-la.

II. Sign épi rit Konfirmasion-an

1293 Nan rit sakréman sa-a, yo doué konsidéré sign *onksion-an* épi sa
 onksion-an indiké-a épi gravé-a : *mak so spirituèl-la*.

695 *Onksion-an*, nan ansyin simbòlism biblika-la, gin anpil signifkasyon : luil-la sé sign débòdman richès (cf. Dt 11, 14 etc.) épi kè kontan (cf. Ps 23, 5 ; 104, 15), li purifié (onksion anvan épi apré bingn-nan) li fè vîn pi ajil (onksion atlèt-yo ak litè-yo) ; li sé sign gérizon, paské li ramoli koté ki gonflé-yo épi blésé-yo (cf. Is 1, 6 ; Lc 10, 34) épi li fè moun-nan kléré ak bèlté, santé épi fòs.

1294 Yo tounin jouinn tout signifkasyon sa-yo nan lavi sakramantèl-la ak
 1152 onksion yo fè ak luil-la. Onksion anvan Batèm-nan ak luil katékumèn-yo vlé di purifikasyon épi fòtifkasyon : onksion malad-yo éksprimé gérizon ak konsolasyon. Onksion ak sin-krèm-nan apré Batèm-nan, nan Konfirmasion-an épi nan Òrdinasyon-an, sé yon sign konsékration. Palintèmediè Konfirmasion-an, krétyin-yo, sètadi, sa-yo ki résévoua onksion-an, patisipé pi plis nan mision Jézu-Kri-a épi nan plénitud Éspri-Sin-an, li ranpli avèk li-a, pou tout lavi yo gayé « bon lodè Kris-la » (cf. 2 Co 2, 15).

1295 Palintèmediè onksion sa-a, moun y-ap konfirmé-a résévoua sign, *so*
 698 Éspri-Sin-an ki maké-l. Mak so-a sé simbòl pèsonalite moun-nan (cf. Gn 38, 18 ; Ct 8, 6), sign otorité-l (cf. Gn 41, 42), li sé propriète kèk bagay (cf. Dt 32, 34) – sé konsa yo té konn maké sòlda-yo ak étanp chèf-yo épi èsklav-yo tou ak étanp mèt-yo – ; li otantifié yon akt jiridik (cf. 1 R 21, 8) oubyin yon dokiman (cf. Jr 32, 10) pafoua li fè-l vîn sékrè (cf. Is 29, 11).

- 1296 Kris-la li-minm té déklaré li maké ak so Papa-l la (cf. Jn 6, 27).
 1121 Krétyin-an tou maké ak yon so : « Sa-a ki asiré nou avèk nou minm nan Kris-la, li minm ki té sakré nou-an, Bondié, li minm tou ki té maké nou-an, épi ki té mété garanti Éspri-a nan kè nou-yo » (2 Co 1, 22 ; cf. Ep 1, 13 ; 4,30). So Éspri-Sin sa-a vlé di moun-nan sé pou Kris-la toutantié, li mété-l nan sèvis-li pou tout tan, min sé yon promès protéksion Bondié tou pou gran éprév k-ap rivé alafin-an (cf. Ap 7, 2-3 ; 9, 4 ; Ez 9, 4-6).

Sélébrasion Konfirmasion-an

- 1297 Yon rit ki gin anpil inpòtans ki vini anvan sélébrasion Konfirmasion-
 1183 an, min ki fè pati li yon sètèn fason sé *konsékrasion sin-krèm-nan*. Évèk-
 la, Jédi-Sin pandan Mès krismal-la, li konsakré sin-krèm-nan pou tout diosèz-li. Nan Égliz Oriental-yo, konsékrasion sa-a sé pou Patriarch-la
 1241 minm yo rézèvé-l :

Litiji Antiòch-la éksprimé Épiklèz konsékrasioin sin-krèm-nan (sa yo rélé *myron* an grèk-la) konsa : « Papa [...] voyé Éspri-Sin-an sou nou épi sou luil sa-a ki dévan nou-an, épi sanktifié-l, pou-l tounin pou tout moun y-ap froté avèk li épi y-ap maké avèk li *myron* ki sin-an, *myron* sasèrdotal-la, onksion rouayal-la, rad limiè-a, manto k-ap sovè-a, gadyin lavi-a, kado spirituèl-la, lavi sin nanm-yo ak kò-yo, kontantman kè-a, dousè pou tout tan-an, kè kontan ki pap pasé-a, so ki pap éfasé-a, boukliyé lafoua-a, kask térib kont tout manèv ènmi-an » (*Pontificale iuxta ritum Ecclesiae Syrorum Occidentium id est Antiochiae*, Pars I, Versio latina, polyglotte Vaticane 1941 p. 36-37).

- 1298 Lè yo sélébré Konfirmasion-an séparé ak Batèm-nan, tankou sa rivé nan rit Romin-an, litiji sakréman-an kòmansé ak rénovèlman promès Batèm-yo épi Déklarasion lafoua-a. Konsa sa parèt klè Konfirmasion-an pran plas nan prolonjman Batèm-nan (cf. SC 71). Lè sé yon adult y-ap batizé, li résévoua Konfirmasion-an tousuit épi li patisipé nan Ékaristi-a (cf. CIC, can. 866).

- 1299 Nan rit Romin-an, Évèk-la lonjé min-l sou tout moun k-ap konfirmé-yo, jès sa-a minm, dépi tan Apot-yo, sé sign kado Éspri-a. Épi konsa Évèk-la invoké pou Éspri-a vidé :

1831 « Bondié ki gin tout pouvoua, Papa Granmèt nou Jézu-Kri, ou minm ki té fè sèvitè-ou sa-yo résévoua yon nouvo nésans nan dlo ak Éspri-Sin-an, antan-ou libéré yo sot nan péché-a, ou minm, Granmèt, voyé Éspri-Sin Paraklè-a nan yo, ba yo éspri sajès ak intèlijans, éspri konsèy ak fòs, éspri sians ak piété ; ranpli yo ak éspri krint ou-a. Pa pouvoua Jézu-Kri Granmèt nou-an » (*Ordo confirmationis*, 25, polyglotte Vaticane 1973, p. 26).

- 1300 Apré sa sé *rit ésansièl* sakréman-an. Nan rit latin-an « sakréman konfirmasion-an yo bay li palintèmediè onksion krèm-nan sou fron-an, ki fèt ak inpozision min-an épi palintèmediè paròl : « Résévoua sign kado Éspri-

699 Sin-an » (Paul VI, const. ap. *Divinae consortium naturæ*). Nan l'Égliz Oriental rit Bizantin-an, yo fè onksion *myron*-nan apré priyè Épiklèz-la, sou pati ki pi signifkatif nan kò-a : fron-an, jé-yo, nin-an, zòrèy-yo, po-bouch-yo, pouatrîn-nan, do-a, min-yo ak pié-yo ; chak onksion akonpagné ak fòmül : Σφραγίς δωρεάς Πνεύματος Αγίου (« Signaculum doni Spiritus Sancti », « So kado Éspri-Sin-an » [*Rituale per le Chiese orientali di rito bizantino in lingua greca*, Pars 1, Vatican 1954 p. 36]).

1301 Bay lapè-a ki fini rit sakréman-an, indiké épi manifésté kominion eklézial avèk Évèk-la épi avèk tout fidèl-yo (cf. S. Hippolyte, trad. ap. 21).

III. Rézilta Konfirmasion-an

1302 Apati sélébrasion-an sa parèt rézilta sakréman Konfirmasion-an sé vidé
731 Éspri-Sin-an vidé, minm jan yo té pèmèt sa fèt lontan jou Pantkot-la.

1303 Poutèt sa, Konfirmasion-an poté yon kouasans épi yon aprofondisman
1262-1274 lagras Batèm-nan :

– li anrasinin nou pi fon nan kondision pitit Bondié-a ki fè nou rélé :

« *Abba*, Papa ! » (Rm 8, 15) ;

– li fè nou fè youn pi solid ak Kris-la ;

– li ogmanté kado Éspri-Sin-an nan nou ;

– li fè rélasyon nou avèk l'Égliz-la vîn pi séré (cf. LG 11) ;

– li ba nou yon fòs spésial Éspri-Sin-an, pou nou kapab gayé lafoua-a ak paròl épi avèk askion épi pou nou défann li kòm vrè témouin Kris-la, pou nou déklaré non Kris-la ak kouraj épi pou nou pa santi nou ront dévan koua-a (cf. DS 1319 ; LG 11 ; 12) :

2044

« Sé pou sa sonjé, ou résévoua yon mak spirituèl, éspri sajès ak intèlijans, éspri konsèy ak fòs, éspri konésans ak piété, éspri krint ki sin-an, épi kinbé sa-ou résévoua-a. Bondié Papa-a té maké-ou, Kris Granmèt-la té konfirmé-ou, épi li té mété gaj Éspri-a nan kè-ou » (S. Ambroise, myst. 7, 42 : PL 16, 402-403).

1304 Minm jan ak Batèm-nan li sé pèféksion-l nan, Konfirmasion-an sé yon
1121 sèl foua yo bay li. Réyèlman Konfirmasion-an gravé nan nanm-nan yon *sign spirituèl ki pa kapab éfasé*, « karaktè-a » (cf. DS 1609), ki vlé di Jézu-Kri maké krétyin-an ak so Éspri li-a, li abiyé-l ak fòs ki sot anro-a pou-l kapab tounin témouin-l (cf. Lc 24, 48-49).

1305 « Karaktè-a » pèféksioné sasèrdòs komin fidèl-yo, sa yo résévoua nan
1268 Batèm-nan, épi « moun ki konfirmé-a résévoua pouvoua pou-l déklaré piblikman lafoua Kris-la avèk paròl, kòm si yo déléjé-l pou sa (*quasi ex officio*) (S. Thomas d'A., s. th. 3, 72, 5, ad 2).

IV. Kilès ki kapab résévoua sakréman sa-a ?

- 1306
1212 Tout moun ki batizé ki poko konfirmé kapab épi doué résévoua sakréman Konfirmasion-an (cf. CIC, can. 889, § 1). Poutèt Batèm-nan, Konfirmasion-an épi Ékaristi-a fòmé yon sèl réalté-a, an konsékans « fidèl-yo gin obligasion pou yo résévoua sakréman-an dépi sa posib » (CIC, can. 890), paské sakréman Batèm-nan, san Konfirmasion-an ak Ékaristi-a, li sètènman valid épi éfikas, min inisiasion krétyin-an rété inkonplè.
- 1307 Abitud latin-an, dépi anpil sièk, indiké kòm pouin référans pou résévoua Konfirmasion-an, « laj diskresion-an ». Min nan danjé lanmò, yo doué konfirmé ti bébé-yo, minm si yo poko rivé nan laj diskresion-an (cf. CIC, can. 891; 883, 3).
- 1308
1250 Si pafoua yo palé osijè Konfirmasion-an kòm « sakréman ki fè krétyin-an adult », yo pa doué konfonn poutèt sa laj adult lafoua-a avèk laj adult kouasans natirèl-la, ni bliyé lagras Batèm-nan sé yon lagras ki fè yo chouazi nou gratis san okinn mérit épi ki pa bézouin yon « ratifikasion » pou-l vîn éfikas. Sin Toma raplé sa :
- « Laj kò-a pa yon préjijé pou nanm-nan. Sé poutèt sa minm nan laj timoun, yon moun kapab rivé gin pèfeksion laj spirituèl-la : sa Sajès-la di osijè-la [4, 8] : “ Vié granmoun ki mérité konsidérasion, sé pa sa-k viv lontan, sé pa sou kantité ané yo konsidéré-l”. Sé sa-k fè, anpil ki té nan laj timoun, poutèt fòs Éspri-Sin-an yo résévoua-a, yo té rivé batay ak kouraj jous nan san pou Kris-la » (Thomas d’A., s. th. 3, 72, 8, ad 2).
- 1309 *Préparasion* pou Konfirmasion-an doué chèché kondui krétyin-an pou-l vîn fè youn ak Kris-la yon fason pi intim, pou-l vîn gin familiarité ki pi vif avèk Éspri-Sin-an, avèk aksion-l avèk kado-l yo épi avèk apèl li-yo, pou-l kapab pran responsabilité apostolik lavi krétyin-an pi byin. Sé poutèt sa, katéchèz Konfirmasion-an ap fè éfò pou révéyé santiman fè pati l’Égliz Jézu-Kri-a, soua parapò a l’Égliz inivèsèl-la soua parapò a kominoté parouas-la. Dènié sa-a gin yon responsabilité spésial nan préparasion moun ki pral konfirmé-yo (cf. OCf prænnotanda 3).
- 1310
2670 Pou résévoua Konfirmasion-an éta de gras-la nésésè. Sé pou moun-nan alé nan sakréman Pénitans-la pou-l pròpté pou-l résévoua kado Éspri-Sin-an. Yon priyè ki pi intans doué dispozé moun-nan pou-l résévoua fòs ak lagras Éspri-Sin-an ak plis dosilité épi san pèdi tan (cf. Ac 1, 14).
- 1311
1255 Pou Konfirmasion-an, minm jan ak pou Batèm-nan, kandida-yo doué chèché konkou spirituèl yon *parinn* oubyin yon *marinn*. Pou byin souligné kijan toulédé sakréman sa-yo fè youn, li bon pou sé minm parinn ak marinn Batèm-nan (cf. OCf prænnotanda 5 ; 6 ; CIC, can. 893, § 1. 2).

V. Minis Konfirmasion-an

- 1312 *Minis ki nan orijîn Konfirmasion-an sé Évèk-la (LG 26).*
- 1233 An *Orian*, òdinèman prèt ki batizé-a bay Konfirmasion-an tousuit nan yon sèl minm sélébrasion-an. Min li fè sa ak sin-krèm Patriarch-la oubyin Évèk-la té konsakré-a, sé sa ki ékspriyé kijan l'Égliz apostolik-la fè youn, sa sakréman Konfirmasion-an ranfòsé chinn li-a. Nan Égliz latin-an sé minm disiplin-nan yo anplouayé nan Batèm adult-yo oubyin lè yo admèt nan kominion l'Égliz-la anplin yon moun ki té batizé nan yon lòt kominoté krétyin ki pa gin sakréman Konfirmasion-an valid (cf. CIC, can. 883, § 2).
- 1313 *Nan rit latin-an, minis òdinè Konfirmasion-an sé Évèk-la (cf. CIC, can. 882). Minm si Évèk-la kapab, si gin nésésité, bay kèk prèt fakilté pou administré Konfirmasion-an (CIC, can. 884, § 2), li bon pou sé li-minm ki bay li, antan yo pa bliyé sé rézon sa-a ki fè yo séparé sélébrasion Konfirmasion-an ak Batèm-nan tanporèlman. Évèk-yo sé siksèsè Apot-yo, yo résévoua plénitud sakréman Òrd-la. Lè sé yo-minm ki administré sakréman sa-a, sa byin montré li gin kòm rézilta pou moun ki résévoua-l yo vîn fè youn pi séré ak l'Égliz-la, ak orijîn apostolik-li épi ak mision-l pou-l témouagné Kris-la.*
- 1285
- 1314 Si yon krétyin nan danjé pou-l mouri, ninpòt prèt kapab ba li Konfirmasion-an (cf. CIC, can. 883, § 3). Réyéلمان vré, l'Égliz-la pa vlé pou okinn nan pitit li-yo, minm si-l tou pitit, kité tè sa-a san-l pa vîn apouin gras a Éspri-Sin-an ak kado plénitud Kris-la.
- 1307

RÉZIMÉ

- 1315 « *Lè Apot-yo ki té Jérusalèm tandé kijan Samari té résévoua paròl Bondié-a, yo voyé Piè ak Jan lakay yo. Lè yo rivé, yo priyé pou yo, pou yo résévoua Éspri-Sin-an ; sèké li pa-t ko vini sou pèsonn nan yo, min sé o non Granmèt Jézu sèl yo té batizé. Lè sa-a atò yo pozé min sou yo, yo résévoua Éspri-Sin-an* » (Ac 8, 14-17).
- 1316 *Konfirmasion-an fè lagras Batèm-nan fin apouin ; sé sakréman ki bay Éspri-Sin-an pou-l anrasiné nou pi afon nan kondision pitit Bondié-a, pou-l inkòporé nou pi solid nan Kris-la, pou-l fè chinn rapò nou ak l'Égliz-la pi séré, pou-l asosié nou pi plis nan mision-l nan épi pou-l édé nou rann lafoua krétyin-an témouagnaj ak paròl ki akonpagné aksion-yo.*
- 1317 *Konfirmasion-an, minm jan ak Batèm-nan, gravé yon sign spirituèl oubyin karaktè yo pa kapab éfasé nan nanm krétyin-an ; sé poutèt sa, sé yon sèl foua sèلمان nan lavi-a yo kapab résévoua sakréman-an.*

- 1318 *An Orian, yo administré sakréman sa-a tousuit apré Batèm-nan ; épi patisipasion nan Ékaristi-a suiv ; tradision sa-a souligné kijan toua sakréman inisiasion krétyin-an fè youn. Nan l'Égliz latîn-nan, yo administré sakréman sa-a lè moun-nan rivé nan laj rézon épi jénéralman yo rézèvé sélébrasion-l pou Évèk-la, konsa yo montré sakréman sa-a fè rapò ak l'Égliz-la vîn pi solid.*
- 1319 *Kandida pou Konfirmasion-an ki rivé nan laj rézon-an, doué déklaré lafoua-a, nan éta de gras, gin intansion résévoua sakréman-an épi préparé pou-l aksépté fonksion disip épi témouin Kris-la, nan kominoté eklézial-la épi nan aktivité tanporèl-yo.*
- 1320 *Rit ésansiyèl Konfirmasion-an sé onksion ak sin-krèm-nan sou fron batizé-a (an Orian yo fè-l tou sou lòt ògàn sans-yo), avèk inpozision min minis-la épi paròl-yo : « Résévoua sign Kado Éspri-Sin-an » nan rit Romin-an, « Sign Kado Éspri-Sin-an » nan rit Bizantin-an.*
- 1321 *Lè yo sélébré Konfirmasion-an séparé ak Batèm-nan, pami dèt, yo éksprimé rapò li ginyin ak Batèm-nan palintèmediè renouvèlman promès Batèm-yo. Sélébrasion Konfirmasion-an anndan Ékaristi-a kontribué pou souligné kijan sakréman inisiasion krétyin-yo fè yon sèl.*

[◀Atik
anvan-an](#)

[Gid jénéral-la](#)

[Atik▶
apré-a](#)